



**Claudii Fleurii Abbatis Historia Ecclesiastica**

Ab anno Christi 1514. usque ad annum 1520

**Fleury, Claude**

**August. Vind. [u.a.], 1769**

**VD18 90118464**

§. 12. Universitas Parisiensis Concordato obluctata

---

[urn:nbn:de:hbz:466:1-66414](#)

Sæcul. XVI.  
A.C. 1517.

§. XII.

*Universitas Parisiensis Concordato  
oblutata.*

Duboulay  
hist. univers.  
Paris. t. 6.  
Pinson. hist.  
Pragm. &  
Concord.

Inter omnes Consiliariorum Ordines nemmo acrius præter Parisiensem Universitatem adversus Concordatum, atque ademptum electionis jus obstrebat. Præprimis illius Rector edictum in compitis affigi jubebat, quo omnes Bibliopolæ, ac Typographi Concordatum imprimere prohibebantur, indicta exclusionis poena ab universitatis corpore. Sub idem tempus Universitas, longa deliberatione præmissa, aliam promulgavit sanctionem, in qua primo exposuit, quod Constantiense ac Basileense Concilium cunctis abusibus obviasset, cum decreta condidisset ad Ecclesiam in capite & membris emendandam, ea vero diffinitate penitus obrueretur, postquam Ecclesiis electionum jura fuissent adempta, cum inde innumeri pene abusus fuissent introducti, nimirum reservationes, gratiae exspectativæ, mandata, aliquae favores, quorum ope indocti, pravique viri in Ecclesiam Dei irrepserunt, exclusis scientia, ac pietate conspicuis, qui solidam veramque virtutem docere potuissent; inde etiam factum, ut magno numero lites pro obtainendis Beneficiis ori-

orientur, atque ad obtinendas gratias Sæcul. XVI.  
ingens pecuniarum vis Romam deferre- A.C. 1517.  
tur. His addidit, quod Basileensis Sy-  
nodus, ut ejusmodi malis mederetur,  
electionum leges ad jus commune pru-  
denter revocasset, cunctasque olim haud  
cognitas hasce gratias damnasset, ac  
decrevisset, quod jus partibus diceretur,  
& Annatarum abusus tollerentur, hinc  
Carolus VIII. his rationibus permotus in  
Bituricensi Conventu hujus decreta fir-  
mavit, ac observari præcepit; inde ve-  
ro a nonnullis, quorum avaritia satiari  
non potest, summi Pontifices fuere ada-  
cti, ut Pragmaticæ Sanctionis abroga-  
tionem urgerent; præcipue vero Leo X.  
in suo Romano Conventu sine ullo jure,  
atque adversus fidem orthodoxam ea,  
quæ a Basileensi Concilio adeo sapienter  
statuta fuerunt, damnavit, & introduxit  
quoddam pactum, quod concordatum vo-  
cant, eoque electiones ad Prælaturas ab-  
rogavit, & collationes Beneficiorum, ni-  
si justus eorum valor exprimeretur, nul-  
las declaravit, indeque viris doctrina cla-  
ris omnem Episcopatus aquirendi spem  
præcidit. Insuper in hoc edicto præter  
alia hæc habentur: *Hujusmodi sic nouiter  
editis statutis Leo Papa Regem nostrum in  
partibus Itallicis agentem, in maximo armo-  
rum strepitu consensum præbere quorundam  
suis coegit. Et ne promissionis infractor  
Hist. Eccles. Tom. XXXII. Q. idem.*

**Sæcul. XVI.** idem Princeps videretur, jam Papæ monitis  
**A.C. 1517.** obtemperans, hæc statuta nobis, dictaque  
 Universitate aliisque quorum intererat, non  
 vocatis nec auditis, publicanda esse impera-  
 vit (\*).

### §. XIII.

*Parisiensis Universitatis appellatio ad  
 futurum Concilium*

**Argentre in Colle<sup>t</sup>. Jud.** Declarationi suæ Rector finem impo-  
 suit, dum ultimo a Basileensium  
**de novis er- ror. t. I. p. 357** Decree-

(\*) Concordati legibus ipsi quoque sum-  
 morum Pontificum juri derogatum fuisse, haud  
 dubium est, nec tamen ullus hucusque assere-  
 re audebat, Pontifices *adversus fidem orthodo-*  
*xiam* hanc legem in Galliis stabiliendo peccas-  
 te. Inter ipsos Gallos valde controversum est,  
 an non Pragmaticæ abrogatio, & Concordati  
 publicatio majorèm longe Ecclesiæ universali,  
 ac Gallicanæ utilitatem procuraverit; Natalis  
 Alexander, Graveson, Petrus de Marca, alii-  
 que quam plurimi Scriptores Galli pro aris &  
 focis propugnant electionum abrogatio-  
 nem, per Concordati in Pragmaticæ locum  
 subrogationem ingenti Ecclesiæ, Reg-  
 nique utilitate fuisse compensatam. Quis  
 demum dubitat, quod Pontifici unacum Synodo  
 generali, quæ universalem Ecclesiam repræsen-  
 tat, facultas competat, de suis juribus ac  
 veteri disciplina, exigente necessitate, ac Ec-  
 clesiæ utilitate quicquam remittendi?